

## KËRKESË ANKIMORE

Drejtuar: Komisionit të Ankimeve dhe Sanksioneve (KAS)

në Komisionin Qendror të Zgjedhjeve

Adresa: Rruga " Ibrahim Rugova", Ndërtesa nr.4: Tiranë

## ANKUESI

Subjekti Ankues

Adresa, posta elektronike dhe/ose nr. i telefonit

Rr. Sami Frasheri, Godina 20/10, Tirane  
Tel: +355 4 4504187  
Email: info@lsi.al

## LËVIZJA SOCIALISTE PËR INTEGRIM (LSI)

## OBJEKTI I ANKIMIT

- Shpallen e pavlefshme të procesit të votimit në qëndrat e votimit të Qarkut Berat vijuese: QV 3446, QV. 3431, QV 3445, QV 3318, QV 3275, Qv 3270, QV 3287, QV 3307, QV 3472, QV 3473, QV 3482, QV 3325, QV. 3456. QV. 3440, QV. 3330, QV. 3220, QV.3433, QV 3328, QV 3429/1, Qv. 35181, Qv 3518, Qv. 3513, Qv. 3501, Qv. 3416.
- Përsëritjen e Zgjedhjeve në Qarkun e Beratit.

## TITULLI I VENDIMIT

Vendimi

"Për miratimin e Tabelës Përmbledhëse për Rezultatit e votimit në zonën zgjedhore Qarku Berat, për subjektet zgjedhore dhe për kandidatët për deputet, në zgjedhjet për Kuvendin e Shqipërisë të datës 25 prill 2021".

Nr.

Datë

7

9/05/2021

- Shpallen e pavlefshme të procesit të votimit në qëndrat e votimit të Qarkut Berat vijuese: QV 3446, QV. 3431, QV 3445, QV 3318, QV 3275, Qv 3270, QV 3287, QV 3307, QV 3472, QV 3473, QV 3482, QV 3325, QV. 3456. QV. 3440, QV. 3330, QV. 3220, QV.3433, QV 3328, QV 3429/1, Qv. 35181, Qv 3518, Qv. 3513, Qv. 3501, Qv. 3416.
- Përsëritjen e Zgjedhjeve në qarkun e Beratit.

## Baza Ligjore:

Nenet: 3, 8, 21, pika 1, gërma "a", neni 26 pika 2, nenet 133,136,138,141, 143,160 dhe 161 të ligjit Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar



## PËRSHKRIMI I SHKELJES SË PRETENDUAR

Lëvizja Socialiste për Integrim, me vendimin nr. 70, datë 15.2.2021 të Komisionerit Shtetëror të Zgjedhjeve, është regjistruar si subjekt zgjedhor, për zgjedhjet për Kuvendin të datës 25 Prill 2021. Në vijim, me vendimin nr. 147, datë 16 Mars 2021 janë miratuar Listat shumëmemërore të partisë Lëvizja Socialiste për Integrim për zgjedhjet për kuvendin të datës 25 prill 2021.

Në datën 25.04.2021, në 12 Zonat Zgjedhore në Republikën e Shqipërisë u zhvilluan zgjedhjet për Kuvendin e Shqipërisë. Zona Zgjedhore Qarku Berat ka 6 (gjashtë) zona të administrimit zgjedhor, përkatësisht ZAZ nr 63, ZAZ nr. 64, ZAZ nr. 65, ZAZ nr. 66, ZAZ nr. 67 dhe ZAZ nr. 68.

Pas përfundimit të procesit të numërimit të votave KZAZ-të përkatëse plotësuan e miratuan tabelat përmbledhëse të rezultateve për subjektet zgjedhore dhe për kandidatët për deputetë të zonave përkatëse.

KZAZ nr. 63, KZAZ nr. 64 KZAZ nr. 65, KZAZ nr. 66, KZAZ nr. 67, KZAZ nr. 68, kanë depozituar në Komisionin Qendror të Zgjedhjeve (KQZ), Tabelat Përmbledhëse të Rezultateve për subjektet zgjedhore dhe për kandidatët për Kuvend për çdo subjekt zgjedhor për zonën e administrimit zgjedhor përkatës, vendimin "Për miratimin e tabelës përmbledhëse të rezultateve për subjektet zgjedhore" dhe vendimet "Për miratimin e tabelës përmbledhëse të rezultateve për kandidatët për deputet", tabelat origjinale të rezultatit për çdo qendër votimi dhe tabelat origjinale të rezultateve për kandidatët për deputet për çdo subjekt zgjedhor, për çdo qendër votimi të ZAZ-ve të sipërcituara.

Në bazë të rezultateve përmbledhëse të zonave të sipërcituara, rezultateve për subjektet zgjedhore dhe për kandidatët për deputet për çdo subjekt zgjedhor janë hartuar tabelat përmbledhëse të rezultateve për zonën zgjedhore Qarku Berat.

Komisioneri Shtetëror i Zgjedhjeve në seancën publike të datës 4 maj 2021, me Vendimin Nr. 339, ka vendosur:

1. Miratimin e Tabelës Përmbledhëse të Rezultatit për subjektet zgjedhore, për zonën zgjedhore Qarku Berat, në zgjedhjet për Kuvendin të datës 25 Prill 2021, sipas lidhjes nr.1, që i bashkëlidhet këtij vendimi.
2. Miratimin e Tabelës Përmbledhëse të Rezultatit për kandidatët për deputetë për zonën zgjedhore, Qarku Berat në zgjedhjet për Kuvendin e Shqipërisë të datës 25 Prill 2021
3. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.
4. Kundër këtij vendimi mund të bëhet ankim në Komisionin e Ankimimeve dhe Sanksioneve, jo më vonë se 5 (pesë) ditë nga shpallja e tij.

Lëvizja Socialiste për Integrim, ka ardhur në dijeni të fakteve, indicieve dhe ka siguruar prova të mjaftueshme lidhur me problematika dhe parregullsi të procesit zgjedhor të ndodhura në Zona të Administrimit Zgjedhor dhe Qendra të Votimit të Qarkut Berat.



1. Nga informacioni i vënë në dispozicion nga KQZ, rezulton se në disa QV u gjenden në kutin e fletëve të votimit, fletë votimi pa vula, fakt i cili përveç se bie në kundërshtim me parashikimet e Kodit Zgjedhor dhe Akteve Normative të miratuara nga Komisioni Rregullator, përbën indicie dhe provë të qartë dhe na bën të besojmë se janë futur fletë votimi nga jashtë QV-ve, të cilat kanë qarkulluar dhe janë plotësuar nga subjekti politik si garanci që votuesit e intimiduar, ndikuar apo blerë të mos i marrin.

2. Në çdo ZAZ janë konstatuar tentativa për votim të dyfishtë nga i njëjti zgjedhës, fakt i konstatuar nga printimet e PEI.
3. Është konstatuar mungesë e operatorit PEI në **QV 3446 Karkanjoz**. Në këtë QV, procesi i identifikimit u krye nëpërmjet listës zgjedhore manuale, pasi u informua KZAZ. Për këtë procedurë nuk disponohet asnjë vendim apo procesverbal i KQV-së, nuk është mbajtur nga kjo e fundit në librin e protokollit ky fakt, dhe nga KZAZ-ja përkatëse nuk është shënuar ky fakt në librin e vetë të protokollit (nuk disponohet vendim).
4. Nga verifikimet në **QV. 3431 Ullinjas**, pas hapjes së kutisë së fletëve të votimit dhe verifikimit të procesverbalit të mbylljes me printimin PEI, u konstatuan mospërputhje të tyre në numër zgjedhësish, fletë votimi, dhe gjinisë femërore. Për këtë arsye u krye hapja e kutisë së materialeve zgjedhore dhe u kostatua se edhe aty kishte mospërputhje ndërmjet raportit PEI dhe procesverbalit. Nga raporti i PEI rezulton se u identifikuan 206 femra ndërkohë që në procesverbal është shënuar shifra 211 femra. Në raportin PEI rezulton se nuk u njohën shenjat e gishtave në 39 raste, ndërsa në procesverbal citohen 13 raste. Në raportin PEI, rezulton se ishte një rast i veçantë me vendim gjykate, ndërkohë që ky rast nuk ishte i evidentuar në librin e protokollit, si dhe nuk kishte të administruar vendimin e gjykatës në formën e kërkuar nga ligji. Një rast votimi ishte i shtuar në regjistrin e posaçëm, por pa u cituar arsyeja. Në regjistrin e votuesve u vunë re shtesa të emrave me shënim me shkrim dore të personave të identifikuar me numër serie të kartave por pa nënshkrim të votuesit. U verifikuan kuponat e printimit të PEI-t për secilin votues, nga ku rezultoi se numri i tyre ishte më pak se numri i fletëve të votimit por edhe se numri i zgjedhësve. Në përfundim GNV mbajti procesverbal të kostatimit dhe propozoi për shqyrtim nga KQZ, hartoi tabelën e kontestuar në rubriken e tabelës sipas procesverbalit bashkëngjitur me dakordësinë e të katër anëtarëve të GNV-së.
5. Në **QV 3445 Bogdan** grupi i numërimit pas hapjes së kutisë së fletëve të votimit konstatoi se mungonte raporti i printimit të PEI-t përfshirë mungesën për raportin e hapjes dhe mbylljes, si dhe nuk kishte shënime apo konstatime në librin e protokollit. Gjithashtu, referuar edhe procesverbalit të mbylljes, u konstatuan 4 fletë votimi më tepër se numri i votuesve. Për këtë rast ka procesverbal të mbajtur nga GNV, me shënimin për KZAZ. Ndërkohë që edhe pse ky procesverbal mban shënimin për KZAZ, në përfundim të numërimit u hartua tabela e rezultateve. Pikërisht për këtë rast kemi dyshime të forta lidhur me çfarë ka ndodhur edhe pse ka një procesverbal për mosperputhje të firmosur nga të katër numeruesit. Në këtë qëndër votimi ka mungësia të theksuara që lidhen me mungesë të regjistrin të zgjedhësve ku konstatohet mos nënshkrimi i të gjithë zgjedhësve gjë e cila ngre dyshime mbi procedurën e votimit, mungojnë kuponat e votuesve nëpërmjet identifikimit elektronik, nuk ka asnjë shënim në regjistrin e vecantë të protokollit. Dyshimet e sipërcituara lidhen me procedurën e ndjekur nga KQV lidhur me mënyrën e verifikimit dhe nxjerrjes së rezultatit të pjesmarrjes në votim pranë kësaj qëndre nga momenti që nuk ka funksionuar PEI dhe në këtë qëndër nuk është nënshkruar në listën e zgjedhësve.
6. Në **QV 3318 Drobonik**, sipas vendimit të KZAZ është hapur kutia e votimit nga grupi i numërimit, është kostatuar mospërputhje e numrit të votuesve me fletët e votimit, kjo kuti është mbyllur (pa vendim apo procesverbal) dhe është lënë për në fund të numërimit, në mënyrë që të mos pengohej procesi. Është kërkuar suport nga KQZ suport i cili nuk i është dhënë. Pas disa orësh anëtarët e ZAZ kanë diskutuar mbi vendimmarrjen për administarimin e kësaj kutie. Nga libri i protokollit të mblëdhjeve pasqyrohet se tre anëtarë kanë kërkuar pavlefshmëri të kësaj kutie, ndërsa katër anëtarët e tjerë vendosën që kjo kuti të rinumërohet. Pasi ka përfunduar numërimi për subjektet politike, është risjellë me vendim të KZAZ kutia e lënë pa procesverbal të mbylljes apo konstatimit të parregullsisë së konstatuar nga grupi i parë i numërimit. Pas rihapjes së kutisë u kostatua se numri i votuesve nuk përputhej me fletët e votimit. U hap kutia e materialeve dhe nuk u gjend asnjë zgjedhës në regjistrin e posaçëm. GNV hartoi tabelën e rezultateve, dhe sipas konstatimit rezultoi se numri i zgjedhësve nuk përputhej. Në këtë moment nga KZAZ (Kryetaria dhe përfaqësuesit e subjektit PS) është kërkuar ndryshimi i shifrave faktike, por grupi i numërimit nuk ka pranuar, pasi nuk është kompetencë dhe e drejtë e tyre as ndryshimi i numrit të zgjedhësve por as fshehja e fletës së votimit. Pas disa orë debatesh, konstatimi, kërcënimi e tensioni nga ana e KZAZ të ushtruar nga Kryetaria e saj, vërtetuar dhe nga kamerat 360 gradë, dhe procesverbali i mbajtur nga anataria e ZAZ-së Teuta Mucogllava, u ra dakord që tabela të hartohet saktësisht si u gjend në kuti por për shkak se sistemi nuk e pranonte për shkakun e mospërputhjeve u bë e mundur nëpërmjet manipulimit të shifrave ndërhyrja në sistemin qendror në KQZ, me qëllim për të mundësuar pranimin nga sistemi tabelën e rezultateve që nuk



*[Signature]*  
Nënshkrimi i Arkutës

- perputheshin. Si u saktësua më sipër, ngjarja është e dokumentuar nga sistemi i kamerave 360 grade në VNV dhe KAS mund ta hetoj administrativisht këtë element, qoftë dhe nëpërmjet intervistave me peronat përgjegjës apo dokumentacionit administrativ verifikues.
7. Në QV 3356 gjatë numërimit të votave për kandidatët u konstatua se të gjitha votat ishin vendosur brenda zarfit 06 për subjektet politike dhe meqënëse sipas udhëzimit të Komisionerit Shtetëror të Zgjedhjeve ky zarf nuk duhej të hapej, grupi i numërimit ju drejtua KZAZ-së për këtë problem të konstatuar. KZAZ sugjeroi plotësimin e tabelave me vlerën zero për çdo kandidat të çdo subjekti zgjedhor, praktikë kjo e ndjekur edhe për qendren 3324. Grupi i numërimit insistoi se nuk mund të vendoset një vlerë zero, pasi nuk ka zarf 08 dhe votat e kandidateve mund të jenë brenda zarfit 06. Pas kontaktimit të KQZ-së, nga ana e KZAZ u sugjerua që KZAZ të merrte vendim, nëpërmjet të cilit të urdhëronte numëruesit të shënonin vlerat zero për votat e kandidatëve (bashkëngjitur procesverbali i konstatimit nga numëruesit dhe vendimi i KZAZ për hartimin e tabelave). Më pas grupi i numërimit hartoi tabelat me vlerën zero duke i kontestuar në rubrikën e kontestimeve.
  8. Gjatë numërimit të votave të kandidateve në zarfet 08 të subjektit PS u gjenden flete votimi të pavlefshme për kandidatit dhe subjektin në disa kuti. Ky fakt është konstatuar në shumë qendra votimi, eksplishtë po citojmë QV-të vijuese: QV. 3265, 3267, 3281, 3285, 3305/1, 3305/2, 3316, 3311.

Nëpërmjet vendimit Nr. 17 datë 27.04.2021 për miratimin e tabelës përmbledhëse të rezultateve të ZAZ-së Nr. 66 Qarku Berat, në faqen 2 të tij konstatohet qartë votimi kundër i 3 anëtarëve të kësaj ZAZ-je përkatësisht zv/kryetari Renalda Jaho, anëtarët Fitim Rrapaj dhe Merlan Avale. Në mendimin e pakicës kontestimet e këtyre tre anëtarëve të ZAZ-së 66 pasqyrojnë parregullsitë e procesit duke saktësuar se:

- **Renalda Jaho:** është kundër këtij vendimi sepse në QV-në 3445 ka fletë votimi se sa numri i zgjedhësve.
  - **Mevlan Avale:** është kundër këtij vendimi sepse në QV-në 3445 ka fletë votimi se sa numri i zgjedhësve. Grupi i numërimit ka mbajtur proces verbal për këtë fakt.
  - **Fitim Rrapaj:** është kundër këtij vendimi sepse në QV-në 3318 dhe QV-në 3445 ka fletë votimi më shumë se sa numri i zgjedhësve. Nuk jam dakort me rezultatin e Qv-së 3431, për shkak se ka shumë parregullsi të kontestuara nga GNV-ja. Grupi i numërimit ka mbajtur proces verbal për numërimin e fletëve të votimit që rezultonin më shumë se numri i zgjedhësve. Dhe i kanë firmosur të katër anëtarët e Grupit të Numërimit.
- QA 3429/1, rezulton se fletët e votimit janë hedhur në kutinë e materialeve zgjedhore.
  - QV 3318, rezulton se ka pasur fletë tepër. Nga dokumentacioni i kësaj qv-je mungon raporti i pajisjeve PEI.
  - QV 3325, GNV kërkon të asistohet nga anëtarët e ZAZ sepse kishte mospërputhje midis raportimit Pei (393) ndërsa nga kutia rezultojnë vota fizike (389). U vendos ndërpreja e numërimit dhe u procedua me hapjen e kutisë së materialeve zgjedhore.
  - QV 3330, nga GNV kërkohet prania e përfaqësuesve të ZAZ për mospërputhje. Raporti PEI pasqyron 284 votues Fizikisht Gjenden 283. U hap kutia e materialeve zgjedhore nga ku rezultoi 1 fletë e pavlefshme. Duhet verifikuar nëse në QV është mbajtur proces verbali përkatës është bërë shënimi në librin e protokollit dhe përse nuk është proceduar në futjen e kësaj flete votimi sipas udhëzuesit të Komisionerit Shtetëror të zgjedhjeve në zarfin përkatës së fletëve të dëmtuara.
  - QV 3440, sipas anëtarëve të GNV u vu re mospërputhje midis raportit PEI dhe fletëve të votimit të gjetura në kuti.

## ZAZ 65

Qv 3270 konstaton mungesën e raportit përmblyes PEI. Kzaz vendos hapjen e kutisë së materialeve por dhe aty u konstatua mungesa e Raportit PEI.

QV 3275 Nga Libri I protokollit rezulton se ZAZ 65 ka pasqyruar problematikat e caktuara në këtë qendër Votimi. Ka mospërputhje të procesverbalit të fletëve të votimit të pa përdorura nga Qv-ja. Qv-saktëson se ka 570 fletë të pa përdorura. Zaz saktëson se fletë të pa përdorura nuk janë 570 po numri



*[Signature]*  
Nënshkrimi i Anëtarit

- i tyre real rezulton të jetë 588. Sipas librit të protokollit dhe tabelës përmbledhëse të kësaj qv-se rezulton mospërputhje shifrash. Ka diferencë prej 18 fletësh nga process verbali i qv-së me ato të gjetura nga GNV-ja. Rezulton dhe mos përputhje të numrit të votave të gjetura në kuti me process verbalin e qv-së.
- QV 3287 Rezulton se ka mospërputhje të fleteve të votimit të gjetura në kuti me process verbalin tabelen e QV-së. edhe pas hapjes së kutisë së materialeve zgjedhore një fletë votimi mungon. Dhe tabela përmbledhëse e miratuar nga ZAZ në shifrën e numrit të zgjedhësve që kanë votuar në këtë qv ka mospërputhje me numrin e votave të gjetura në kuti referuar procesverbalit të GN 10 dhe shënimeve në librin e protokollit të ZAZ 65.
  - QV 3307, Gnv 3 në momentin e hapjes së materialeve në këtë Qv konstatoi mospërputhje të fletëve të votimit me raportin PEI dhe procesverbalin e KQV-së. Mospërputhje ka dhe ndërmjet fletëve të votimit të pa përdorura duke raportua 490 të tilla dhe jo 491 si raportohet në Proces Verbal, pra mungon një fletë, shkak ky që vë në pikëpyetje këtë proces duke ngritur pyetjen se ku ka shkuar kjo fletë votimi. Pra mospërputhja e cilësuar më sipër vë në dyshim rregullsinë e procesit të votimit pranë kësaj QV-je.

#### ZAZ 63

- QV 3472 GNV nuk ka konstatuar raport PEI në kutinë e votimit pas hapjes së kutisë të materialeve zgjedhore rezulton mungese e raportit PEI. Informacioni shpjegues i metejshëm mbi mënyrën se si ka proceduar nuk pasqyrohet në librin e protokollit.
- QV 3473 Gnv konstaton se në kutinë e votimit të kësaj QV-je janë gjetur dy fletë tepër. Njëra fletë ishte votuar subjekti politik dhe fleta e dytë ishte vetëm me vullat. ZAZ u mbledh dhe vendosi për rakordimin e kësaj parregullsie kanë ndërhyrë duke ndryshuar të dhënat reale në system, duke modifikuar numrin e fletëve të votimit dhe duke e rakorduar në mënyrë të pa ligjshme dhe në kundërshtim me aktet nënligjore. Ky fakt i rëndë pasqyrohet në librin e protokollit të ZAZ nëpërmjet vendimit Nr. 15.
- QV 3482 Gnv 2 konstaton se në kutinë e votimit kishte fletë votimi tepër. KZAZ merr vendimin arbitrar dhe abuziv për të lënë në kuti një fletë dhe për të quajtur të përdorur fletë votimi që realisht ishte përdorur dhe ishte hedhur në kuti.

#### ZAZ 64

- Qv 3416 mungon procesverbali me kod 08. Pas hapjes së kutisë së materialeve zgjedhore nuk ka informacion të metejshëm.
- Qv.3501 Nuk ka procesverbal dhe as fature të PEI. Hapet kutia e materialeve zgjedhore dhe nuk ka informacion të metejshëm.
- Qv. 3513 Nuk është gjetur procesverbali me Kod 08. U hap kutia e materialeve zgjedhore dhe nuk ka informacion të metejshëm.
- Qv 3518 Nuk është gjetur procesverbali me Kod 08. U hap kutia e materialeve zgjedhore dhe nuk ka informacion të metejshëm.
- Qv. 35181 Nuk është gjetur procesverbali me Kod 08. U hap kutia e materialeve zgjedhore dhe nuk ka informacion të metejshëm.

#### ZAZ 67



QV. 3456, u gjet procesverbali 08. Në këtë kuti u gjet 1 fletë votimi më pak. U vendos të hapet kutia e materialeve zgjedhore. Nga informacioni i librit të protokollit rezulton se vendimmarrja e KZAZ-së është e dyshimtë dhe nuk pasqyron me rregullsi qëndrimin e saj në pjesën hyrëse kur saktësohet se ka një fletë votimi mangut dhe më pas pasqyrohet se ka përputhje të statistikave. KZAZ shprehet se kanë votuar gjithsej 341 dhe në raportim në tabelën përfundimtare rezulton se janë total votues 340. Pra ka mospërputhje të qartë me një votë.

Nënshkrimi i Ankuesit

## FAKTET, ARGUMENTAT, DISPOZITAT LIGJORE KU MBËSHTETET ANKIMIMI.

Të gjitha faktet, indiciet dhe provat në disponimin tonë, provojnë në mënyrë të qartë dhe të pakundërshtueshme se kemi të bëjmë me shkelje të dispozitave të Kodit Zgjedhor sipas parashikimeve të nenit 160 pika 1 gërma a).

Nga kqyrja e librave të protokollit të mbledhjeve të KZAZ-vë, të përshkruara më sipër del qartë se gjatë procesit të votimit në këto QV, kanë ndodhur shkelje të Ligjit të cilat kanë cënuar rëndë procesin zgjedhor.

LSI kërkon nga KAS që për nevoja të hetimit administrativ, ky organ kolegjal të vendosi të administrojë si prova Librin e Protokollit të Mbledhjeve, Proces-Verbalet e Konstatimit, të KZAZ objekt ankimi, tabelat e rezultatit të grupeve të numërimit për QV të e cituara na ankim, pamjet filmike të VNV-ve, si dhe cdo dokument tjetër të nevojshëm për një hetim administrativ të plotë dhe të paanëshëm.

Kërkesa e LSI për pavlefshmëri të zgjedhjeve në këto qendra votimi, gjen mbështetje në nenin 160 pika 1 gërma a) të Kodit Zgjedhor, dhe në mënyrë të qartë bështetet në prova të cilat pasqyrojnë se gjatë procesit të votimit ka patur shkelje të konstatuara me natyrë shumë të rëndë për vetë legjitimitetin e këtij procesi duke deformuar haptazi vullnetin e zgjedhësve.

Nisur nga sa më sipër, KAS duhet të shpallë të pavlefshme zgjedhjet në qendrat e votimit vijuese: QV 3446, QV. 3431, QV 3445, QV 3318, QV 3275, Qv 3270, QV 3287, QV 3307, QV 3472, QV 3473, QV 3482, QV 3325, QV. 3456.

Duke vlerësuar se shpallja e pavlefshme e zgjedhjeve në këto qendra votimi, ndikon në ndarjen e mandateve për Qarkun Berat sipas nenit 161 pika 2 të Kodit Zgjedhor, LSI,


### Kërkon:

- **Shpallen e pavlefshme të procesit të votimit në qendrat e votimit tw Qarkut Berat vijuese:** QV 3446, QV. 3431, QV 3445, QV 3318, QV 3275, Qv 3270, QV 3287, QV 3307, QV 3472, QV 3473, QV 3482, QV 3325, QV. 3456. QV. 3440, QV. 3330, QV. 3220, QV.3433, QV 3328, QV 3429/1, Qv. 35181, Qv 3518, Qv. 3513, Qv. 3501, Qv. 3416.
- **Përsëritjen e Zgjedhjeve në qarkun e Beratit**

### PROVAT QË PARAQITEN DHE /OSE KËRKOHEN, BURIMIN SI DHE NUMRI I TYRE.

1. Vendimi Nr.339 datë 4.5.2021 i Komisionerit Shtetëror të Zgjedhjeve
2. Librat e protokollit të mbledhjeve të ZAZ-ve objekt Ankimi
3. Proces verbal datë 26.04.2021 konstatimi i Numerueses se Tav. Nr.7 Teuta Mucogllava lidhur me Kutinë e Votimit Nr. 3318
4. Tabela përmbledhëse e Kandidatëve për Deputet ZAZ 66, QV Nr. 3324, GN. NR.7 nga ku saktësohet se shpërndarja e votave të vlefshme për kandidatët rezulton e plotësuar me 0 vota në të gjithë kandidatët.
5. Tabela përmbledhëse e Kandidatëve për Deputet ZAZ 66, QV Nr. 3356, GN. NR.1 nga ku saktësohet se shpërndarja e votave të vlefshme për kandidatët rezulton e plotësuar me 0 vota për të gjithë kandidatët.
6. Proces verbal datë 28.04.2021 lidhur me kutinë Nr. 3356 ku janë kostatuar vetëm zarfa 06 dhe pasqyrohet se grupi i numërimit nuk i ka hapur këto zarfa.



  
Nënshkrimi i Ankuessit

7. Proces Verbal datë 27.04.2021 mbi Qv-në 3445, ZAZ 66, ku janë dhendur shumë mospërputhje dhe 4 fletë votimi tepër në këtë kuti.
8. Vendimi Nr. 17 datë 27.04.2021 për miratimin e tabelës përmbledhëse të rezultateve të ZAZ-së Nr. 66 i kontestuar.

Me Autorizim  
Përfaqësuesi Ligjor i Subjektit Lëvizja Socialiste Për Integrim LSI

Altin Kaziaj

Tiranë, 9/5/2021

